

PROTOCOLO NAS LABORES DE VIXILANCIA DE ESTRADAS POR PARTE DO PERSOAL DA AXENCIA GALEGA DE INFRAESTRUTURAS EN RELACIÓN CO CORONAVIRUS COVID-19

O 25 de marzo de 2020, a Axencia Galega de Infraestruturas aprobou o Protocolo nas labores de vixilancia de estradas por parte do persoal da Axencia Galega de Infraestruturas en relación co coronavirus covid-19.

Este atendía as medidas xerais previstas na Resolución do 12 de marzo de 2020, da Secretaría Xeral Técnica da Consellería de Presidencia, Administracións Públicas e Xustiza pola que se lle da publicidade ao Acordo do Consello da Xunta de Galicia, do 12 de marzo de 2020, polo que se aproba o Protocolo de actuación para o persoal empregado público da Administración da Xunta de Galicia en relación co coronavirus COVID-19.

Malia ao anterior, a propia evolución da pandemia, as medidas de protección recollidas no Protocolo polo que se establecen a reincorporación dos empregados públicos ao traballo presencial e as medidas de prevención fronte ao COVID-19, aprobado polo Consello da Xunta de Galicia, na súa reunión de 8 de maio de 2020 así como as achegas realizadas polas organizacións sindicais CIG, CCOO, CSI-F e UGT ao Protocolo referido no seo do Comité de Seguridade e Saúde da Consellería de Infraestruturas e Mobilidade aconsellan a súa actualización.

Este protocolo, de carácter obrigatorio, seguirase por todo o persoal da Axencia Galega de Infraestruturas que desenvolva labores de vixilancia de estradas.

1.-Medidas relativas ás actividades de vixilancia

Ao inicio e ao final da quenda e na medida do posible, deberase lavar as mans con auga e xabón, ou xel hidroalcohólico. Faise mais necesario cando se manexe documentación ou equipos compartidos ou que poidan estar en contacto con outras persoas ou usuarios, e sempre se fará seguindo o procedemento recollido no anexo1.

Garantirase a reposición de tódolos produtos e medios desbotables, como os xeles, mascarar, e/ou luvas dun so uso.

Daranse instrucións respecto como sacar as luvas, tal e como figura no Anexo II, e onde desbotar os panos e luvas unha vez utilizados, así como se disporán os medios de manipulación e retirada dos contedores onde se depositen.

As labores de vixilancia poderán ser realizadas en parella.

No caso de manterse un encontro con outra persoa, manterase como regra xeral unha distancia de seguridade de dous metros. En caso contrario, deberá empregarse obrigatoriamente unha máscara de protección.



Se fose necesario o control de documentación, os documentos en papel serán manipulados unicamente polo seu titular, quen os mostrará ao vixilante, respectando a distancia de seguridade mínima, ou depositaraos nun lugar onde o vixilante os poida visualizar e realizar as comprobacións que resulten necesarias.

Se fose imprescindible o intercambio de documentos físicos recoméndase empregar un desinfectante de mans antes de tocalos, e novamente despois de manipulados ou lavar as mans con auga e xabón en canto sexa posible.

2. Medidas relativas ao uso dos vehículos e outro equipos

Organizaranse os vehículos para que se utilice un vehículo por dúas persoas.

No caso de non ser posible, as quendas serán non inferiores á semana, para poder minimizar os intercambios de vehículo.

Tanto ao inicio da quenda como á finalización do mesmo, a persoa usuaria do vehículo procederá a realizar a ventilación do vehículo así como a limpeza de TODAS aquelas superficies obxecto de manipulación durante o servizo, e entre as que se incluírá a manilla de apertura, volante, pancas de cambio e de freo de man, cinto de seguridade, botóns da radio e do sistema de climatización, emisora, micro e elementos como a tarxeta de repostaría, así como equipamento que conteña o vehículo e que se teña empregado durante a quenda.

Esta limpeza tamén se levará a cabo con outras superficies que puideran ser obxecto de manipulación durante o servizo, entre as que se incluírán (no seu caso), teclados de ordenador, teléfonos, así como todo aquel material que se prevexa empregar ou que se teña empregado durante a quenda.

A limpeza levarase a cabo con toallíñas desbotables e se impregnará de:

- Xel hidroalcohólico.
- Ou unha solución de 7 partes de alcohol de 96° e 3 partes de auga.
- Ou con auga oxixenada.
- Ou outros produtos comerciais con especificacións concretas de eficacia fronte ao virus.

3. Medidas relativas ás actividades desenvolvidas en edificios e/ou dependencias administrativas

As actividades do persoal de vixilancia de estradas que se teñan que desenvolver en edificios e/ ou dependencias administrativas realizaranse consonte ás medidas de protección previstas no Protocolo polo que se establecen a reincorporación dos empregados públicos ao traballo presencial e as medidas de prevención fronte ao COVID-19, aprobado polo Consello da Xunta de Galicia, na súa reunión de 8 de maio de 2020.



4. Revisión e actualización do protocolo

Este Protocolo será obxecto de revisión continua, especialmente en atención ás obrigas e ás recomendacións que diten as autoridades sanitarias, coa participación dos delegados de prevención nos Comités de Seguridade e Saúde Laboral.

Asemade, se se producise unha variación nas circunstancias epidemiolóxicas da infección ou un rebrote da enfermidade, adoptaríanse as medidas oportunas ao respecto.



ANEXO I

Técnica do lavado de mans con auga e xabón



1 Humedecer as mans



2 Aplicar suficiente xabón



3 Fregar palma sobre palma



4 Fregar palma sobre dorso cos dedos entrelazados e viceversa



5 Fregar palma sobre palma cos dedos entrelazados



6 Fregar o dorso dos dedos sobre a palma oposta



7 Fregar os polgares mediante un movemento rotatorio



8 Fregar as xemas dos dedos sobre a palma da man contraria cun movemento circular



9 Fregar cada pulso coa man oposta



10 Aclarar con auga



11 Pechar a billa co cóbado ou ben cunha toalla desbotable



12 Secar cunha toalla de papel desbotable



13 Este proceso debe levar entre 40 e 60 seg

Adaptado de NHS e World Health Organization Guidelines on Hand Hygiene in Health Care





Técnica de hixiene das mans con preparacións alcohólicas



1
Depositar na palma da man unha dose de produto suficiente para cubrir todas as superficies a tratar.




2
Fregar as palmas das mans entre si



3
Estender o produto entre os dedos



4
Fregar as palmas das mans entre si, cos dedos entrelazados



5
Fregar o dorso dos dedos dunha man coa palma da man oposta, agarrándose os dedos



6
Fregar cun movemente de rotación o polgar esquerdo atrapándoo coa palma da man dereita, e viceversa.



7
Fregar a punta dos dedos da man dereita contra a palma da man esquerda, facendo un movemente de rotación, e viceversa



8
Fregar cada pulso coa man oposta



9
Esperar ata que o produto se evapore e as mans estean secas (non use papel nin toallas)



10
Este proceso debe levar entre 20 e 30 seg.

Adaptado de NHS e World Health Organization. *Guidelines on Hand Hygiene in Health Care*



ANEXO II

